



Broj: 03/1-50-14-7-24-9/16

Sarajevo, 13.6.2016.

**PREDMET:** Informacija o sastanku članova Zajedničke komisije za odbranu i sigurnost BiH s delegacijom Predstavničkog doma Parlamenta Republike Indonezije, 4.4.2016.

Predsjedavajući Zajedničke komisije za odbranu i sigurnost BiH Sifet Podžić i zamjenica predsjedavajućeg Borjana Krišto razgovarali su 4. 4. 2016. u Sarajevu s delegacijom Predstavničkog doma Parlamenta Republike Indonezije o mogućnostima parlamentarnog nadzora nad sektorima odbrane i sigurnosti, kao i o mogućnostima saradnje dvije države u ovim oblastima.

Pozdravljajući goste u svojstvu predsjedavajuće Predstavničkog doma Parlamentarne skupštine BiH, Borjana Krišto izrazila je uvjerenje da će posjeta parlamentaraca iz Indonezije biti iskorištena za produbljivanje političke i ekonomske saradnje između dvije prijateljske zemlje.

Borjana Krišto upoznala je članove delegacije Predstavničkog doma Parlamenta Indonezije s postojećim ustavnim uređenjem BiH, te iznijela stav da naša zemlja ima potrebe za donošenjem novog ustava na demokratski način, u državnom parlamentu, uz puno uvažavanje interesa sva tri konstitutivna naroda. Upozoravajući da se naša zemlja na svom evropskom i euroatlantskom putu suočava s brojnim problemima, uključujući i terorizam kao globalni problem, pozvala je na saradnju dvije zemlje u odbrani demokratskih vrijednosti. Predsjedavajući Podžić upoznao je goste iz Indonezije s nadležnostima i načinom rada Zajedničke komisije za odbranu i sigurnost BiH, naglašavajući da je Komisija postigla zavidan nivo u parlamentarnom nadzoru u ovim sektorima. Ističući činjenicu da BiH raspolaže malim operativnim oružanim snagama koje broje 10 hiljada vojnika, Podžić je rekao da je naša zemlja ponosna na učešće pripadnika Oružanih snaga BiH u mirovnim misijama Ujedinjenih naroda i NATO-a širom svijeta.

Tokom sastanka zajednički je konstatirano da postoje mogućnosti saradnje dvije zemlje u oblastima odbrane i sigurnosti. S tim u vezi, predstavnici Zajedničke komisije za odbranu i sigurnost BiH pozvani su da prisustvuju izložbi naoružanja i vojne opreme, koju svake godine organizira Ministarstvo odbrane Republike Indonezije.

Predsjedavajući Zajedničke komisije

**Sifet Podžić**

**Dostavljeno:**

- naslovu
- a/a